

DOMOD D.O.O SARAJEVO

SRĐANA ALEKSIĆA 20

PRAVILNIK

O UVJETIMA I NAČINU FORMIRANJA CIJENA

Sarajevo, 25.03.2015. godine

Na osnovu stava 3. Člana 2. Zakona o kontroli cijena (SI. Novine Federacije BIH br. 2/95 i 70/08), "DOMOD" d.o.o Sarajevo zastupan po zakonskom zastupniku, Ajli Okerić, direktoru, dana 25.03.2015. godine donosi:

PRAVILNIK
o uvjetima i načinu formiranja cijena

I. OPŠTE POTREBE

Član 1.

Ovim Pravilnikom uređuju se uvjeti i način slobodnog formiranja cijena u pravnom licu koje se bavi trgovinom "DOMOD" d.o.o Sarajevo (u daljem tekstu : Trgovac).

Član 2.

U "DOMOD" d.o.o Sarajevo se cijene formiraju slobodno prema uvjetima tržišta. Pri formiranju cijena, prema uvjetima tržišta, "DOMOD" d.o.o Sarajevo se neće dogovarati sa drugim trgovinama, koristiti monopolski položaj, niti druge tgovine dovoditi u neravnopravan položaj.

Član 3.

Cijene proizvoda i usluga koje su predmet poslovanja Trgovca mogu se formirati samo na način i po postupku utvrđenom odredbama ovog Pravilnika.

II. POSTUPAK ZA OBRAZOVANJE CIJENA

Član 4.

Zakonski zastupnik je nadležan za formiranje cijena i utvrđivanje uvijeta prodaje, pri čemu je vezan odlukom skupštine društva odnosno odlukom osnivača društva.

Član 5.

Prijedlog za donošenje odluke o cijenama, uvjetima prodaje i drugim relevantnim činjenicama u vezi sa formiranjem cijena sačinjava zakonski zastupnik Trgovca čija je roba, odnosno usluga, predmet formiranja cijena.

Član 6.

Za proizvode kojima se cijene formiraju slobodno, vlasnik trgovačke radnje donosi odluku o visini razlike u cijeni (marži) za pojedine proizvode (robe) ili grupe proizvoda (robe).

Član 7.

Za sve proizvode prije nego što se stave u promet mora se sačiniti kalkulacija prodajne cijene.

Kalkulacija se posebno sačinjava za proizvode u unutrašnjem prometu, a posebno za proizvode u uvozu ili izvozu.

Član 8.

Zaposlenik koji sačinjava kalkulaciju, odgovoran je za pravilnu primjenu svih pozitivnih propisa vezanih za ispravnost kalkulacije, odnosno za pravilnu primjenu propisa o cijenama.

Član 9.

Elementi kalkulacije su nabavna cijena, marža (razlika u cijeni) i pripadajući važeći indirektni porezi (PDV).

Član 10.

Nabavnu cijenu čini fakturna cijena dobavljača uvećana za zavisne troškove.

U zavisne troškove spadaju : troškovi utovara i istovara, troškovi transporta do centralnog magacina (međunarodni i domaći transporti), troškovi carine i carinjenja, osiguranje robe u transportu, transportni kalo, lom, kvar, posebni troškovi pakovanja robe uključujući i troškove sopstvenog orginalnog pakovanja, troškovi pribavljanja odgovarajuće dokumentacije itd. Troškovi sopstvenog transporta, utovara čine sastavni dio zavisnih troškova.

Član 11.

Osnov za obračun prodajne cijene je ustvari nabavna cijena sa uračunatim PDV-om od 17%, te prema odredbama ovog pravilnika iz predhodnih stavova formiramo maloprodajnu cijenu sa PDV-om.

III. DAVANJE POPUSTA ZA PROIZVODE U PROMETU NA VELIKO

Član 12.

Zakonski zastupnik Trgovca ili po njemu ovlašteno lice prilikom prodaje proizvoda na veliko može pod određenim uslovima davati kupcima razne popuste.

Član 13.

Popusti se daju onim kupcima koji kupe proizvode u količinama većim iznad određenih (količinski rabat), kupcima koji u toku tromjesečja, polugodišta, odnosno godine kupe pojedne proizvode u količinama iznad određenih minimalnih količina (super rabat). Visinu ovih popusta u zavisnosti od vrste i količine proizvoda i vremenskog perioda utvrđuje zakonski zastupnik ili po njemu ovlašteno lice.

Član 14.

Popusti se daju i onim kupcima koji se stalno snabdijevaju određenim vrstama proizvoda ili sa kojima je sačinjen poseban sporazum o poslovnoj saradnji ili trajnim komercijalnim vezama.

Član 15.

Ukoliko kupac plati robu u ugovorenom roku ili prije isteka roka može mu se odabrati naknadni popust kasa – konto koji odobrava vlasnik.

Ukoliko na zalihi ima felerične robe kao i robe koja dugo stoji na zalihi vlasnik firme može istu sniziti po cijeni po kojoj se ta roba može prodati na tržištu, a koja može biti i manja od nabavne cijene.

IV. POSTUPAK PRI PROMJENI CIJENA U POSLOVNIM JEDINICAMA

Član 16.

Ukoliko dolazi do promjene cijena na malo trgovina je obavezna da zapisnički utvrdi postojeće zalihe tih proizvoda i da primjerak zapisnika dostavi ovlaštenom radniku.

Nadležni radnik je dužan da izvrši obračun razlike u cijenu (+ ili -) i da ga dostavi knjigovodstvu radi sproveđenja odgovarajućih zaduženja odnosno razduženja poslovnih jedinica.

Član 17.

Roba na skladištu evidentira se dvojno i po nabavnim i po prodajnim cijenama. Prodajna cijena se formira prilikom nabavke roba kao planska cijena. Zavisno od tržišnih uslova pojedinačna prodaja, može se izvršiti neposrednom pogodbom i po cijeni koja odstupa od planske prodajne cijene. Takvu prodaju može odobriti nadležni zaposlenik svojim potpisom na dokumentu o izvršenoj prodaji.

V. OBRAZOVANJE CIJENA PROIZVODA KOJI SE NALAZE NA REŽIMU NEPOSREDNE KONTROLE CIJENA

Član 18.

Pri obrazovanju cijena proizvoda koji se nalaze na režimu neposredne kontrole cijena zaračunava se propisana marža (stopa razlike u cijeni) na koju trgovačka radnja ima pravo prema važećim propisima.

Marža se zaračunava na nabavnu cijenu.

Član 19.

Kod proizvoda koji se nalaze na režimu neposredne kontrole visine pojedinačne marže se u skladu sa zakonom zaračunavaju po proizvodima ili grupama proizvoda. Utvrđene marže iz predhodnog stava predstavljaju maksimalne marže. Vlasnik ima pravo i ovlaštenje da prema situaciji na tržištu odobri i razračunavanje marži nižih od utvrđenih u predhodnom stavu.

Član 20.

Marža u relativnom iznosu predstavlja procenat u rasponu od 0%-200% (upisati raspon u postotcima) nabavne cijene proizvoda, u zavisnosti od proizvoda ili grupe proizvoda u skladu sa zakonom.

VI. OBRAZOVANJE CIJENA USLUGA

Član 21.

Cijene usluga koje se vrše u spoljnotrgovinskom prometu utvrđuju se ugovorom sa korisnikom usluga i to u fiksnom iznosu.

Član 22.

Cijena usluga posredovanja, zastupanja, konsignacije, obavljanja komisionih poslova i ostalih cijena usluga u prometu određuju se slobodno prema uslovima tržišta. Cijene ovih usluga utvrđuje zakonski zastupnik Trgovca.

VII. PRELAZNE I ZAVRŠNE ODREDBE

Član 23.

Za primjenu ovog Pravilnika odgovoran je zakonski zastupnik koji radi na poslovima utvrđivanja cijena.

Član 24.

Kršenje odredaba ovog Pravilnika predstavlja težu povredu radne dužnosti.

Član 25.

Izmjene i dopune ovog Pravilnika vrše se na način i po postupku kao i njeno donošenje.

Član 26.

Ovaj Pravilnik stupa na snagu i primjenjuje se od dana donošenja.

BROJ : 38/15

25.03.2015.godine

Za trgovca društvo

„DOMOD“ d.o.o. Sarajevo



Okelić Ajla, direktor